

D. D.

DISSE^{111.}TATIO ACADEMICA,

IN QUA

ANTHROPOMORPHA,

CONSENS. EXPERIENT. FACULT. MEDIC.

IN REG. ACADEM. UPSALIENSIS,

PRÆSIDE

VIRO NOBILISSIMO ATQUE EXPERIENTISSIMO

DN. Doct. CAROLO
LINNÆO,

EQUITE AURATO DE STELLA POLARI

S:Æ REG. M:TS ARCHIATRO

Med. ET BOTAN. PROFESSORE REG. ET ORD.
ACAD. PETROPOL. &c. SOCIO.

PUBLICO EXAMINI SUBMITTIT

CHRISTIANUS EMMANUEL HOPPIUS,
PETROPOLITANUS.

IN AUDIT. CAROL. MAJ. DIE VI. SEPTEMB.
ANNO MDCCCLX.

H. A. M. S.

U P S A L I Æ.

ACADEMICO
IN GUA

АНДРОМОДЫ

ОДНОДЪЙСТВЕННАЯ ПОЭТИЧЕСКАЯ ПРЕДСТАВЛЕНИЯ

ИЗДЕЛИЕ

СОСТАВЛЕННОЕ ОДНОДЪЙСТВЕННЫМЪ

АНДРОМОДО

ОДНОДЪЙСТВЕННО

ОДНОДЪЙСТВЕННОГО ПОЭТА ОДНОДЪЙСТВЕННОГО

ОДНОДЪЙСТВЕННОГО ПОЭТА ОДНОДЪЙСТВЕННОГО

ОДНОДЪЙСТВЕННОГО ПОЭТА ОДНОДЪЙСТВЕННОГО

АНДРОМОДО ОДНОДЪЙСТВЕННОГО ПОЭТА ОДНОДЪЙСТВЕННОГО

ОДНОДЪЙСТВЕННОГО ПОЭТА ОДНОДЪЙСТВЕННОГО

ОДНОДЪЙСТВЕННОГО ПОЭТА ОДНОДЪЙСТВЕННОГО

ОДНОДЪЙСТВЕННОГО ПОЭТА ОДНОДЪЙСТВЕННОГО

АНДРОМОДО ОДНОДЪЙСТВЕННОГО ПОЭТА ОДНОДЪЙСТВЕННОГО

ОДНОДЪЙСТВЕННОГО ПОЭТА ОДНОДЪЙСТВЕННОГО

АНДРОМОДО ОДНОДЪЙСТВЕННОГО ПОЭТА ОДНОДЪЙСТВЕННОГО

ОДНОДЪЙСТВЕННОГО ПОЭТА ОДНОДЪЙСТВЕННОГО

SACRÆ IMPERIALI CELSITVDINI,

SERENISSIMO PRINCIPI

AC DOMINO,

DOMINO

P E T R O

FOEDOROWITZ,

TOTIVS IMPERII RVSSICI

PRINCIPI HEREDITARIO,

HEREDI NORVEGIÆ,

COMITI OLDENBURGI AC DELMENHORSTI,

SLESVICI HOLSATIÆ DVCI REGNANTI,

PRINCIPI AC DOMINO MEO
CLEMENTISSIMO.

Augusto Proavum, PRINCEPS, fate sangvine Regum,
Sarmatici Sceptri grande future decus,
Ne damnes humilem, tenui quod carmine, Musam,
Suspexisse TVVM non vereatur Ebur.
Quæ Majestatem, facilis clementia vultus,
Temperat, Excelsos svasit adire Lares;
Et facit, ut, quamvis minus hæc sint Principe digna,
Ante TVOS ausim deposuisse pedes.

Cur

Cur ego tam mites dubitem indigitare Penates,
Hospita queis Pindi est non aliena cohors?
Scilicet, ut galeas heic Pallas & Ægida servat,
Sic simul heic florent altera dona Deæ.
Intentata olim nunc discit frigora laurus
Et tolerare tuas, Sarmatis ora, nives.
Et tuus est Parnassus & est Permessidos unda,
Nil tibi non proprium Græcia docta tenet.
Suprema late celebratum nomen ab Arcto
Mittis ad Eoas Occiduasque domos.
Talia fæcla suis infistunt volvere Parcæ,
Et pridem torquent aurea fila colis.
TE quondam, PRINCEPS, TIBI quum data Sceptra
capesles,
Aonii stabit, vindice, montis honos.
Vindice TE, nitidis surget sua fama Camenis,
Certabunt orsis posse placere novis.
Sic ego vaticinor; mea nec præfagia doctæ
Irrita judicio posteritatis erunt.
Namque TIBI unanimes addicunt omnia plausus,
Se TIBI Ductori jubila mille parant.

O!

O! tam longa, precor, veniant mihi tempora vitæ,
Imperii ut fasces sit coluisse TVI.
Turibus interea fumabit pectoris ara,
Et Patriæ precibus consona vota dabit:
Tristitiae nulla temeretur Purpura nube,
Russica succrescat TE Duce parta salus!
Arma ferant pacem, tucantur Sceptra perennem,
Sæcula tam grandi Principe digna fluant!

SERENITATI TVÆ

devotissimus servus

CHRISTIANUS EMMANUEL HOPPIUS.



D. D.

In magno hujus mundi Theatro,
quod Lapidibus, Plantis, Animalibusque opertum est, quæ ut di-
versissima sunt genere, ita numero
infinita; ne unum quidem reperitur, quod ratione
compositionis, multiplicationis, sustentationis &
ordinis, luculentissime non testetur Ens omnipo-
tens & omniscium hæc omnia mira arte fecisse; ve-
rum tamen nulli animali inter hæc varia, pervium
est, stupenda hæc naturæ miracula percipere & ad-
mirari, Hominem si exceperis.

Homo rerum curiosus, quem varietas maxime
delectat, trahitur (suæ ut medeatur indigentiae,) vel
mediate vel immediate ad considerandas res na-
turales, cumque illis utitur, non potest non, earum
admiratione capi, & ad DEUM, earundem au-
tem, mente elevari.

Rerum harum consideratio, *Scientia Naturalis*

A fortita

fortita est nomen, quam Medici quondam sibi vindicarunt, quasi omnes res naturales ipsorum ob artem fuissent conditæ, adeoque & hi hanc partem scientiarum in scholis ubique publice & privatim docuerunt; Perspicaciores demum facti & quidem hoc nostro ævo reliqui Eruditi, hanc prærogativam illis denegarunt; quin & hisce temporibus ipsi Principes serenissimi hanc scientiam tanquam suam adoptaveret *), quasi nobilissimam ac jucundissimam, quibus etjam referenda sunt maxima naturæ miracula in unum collecta, quæ illi soli potuerunt a regionibus maxime dissipatis, ad nos translata procurare. Visus hominis ita est comparatus, ut quæ ab eo maxime distent, nec non quæ sibi sint nimis propinquæ, ægre cognoscat; atque persuasum habeo, hominis vim intelligendi ejusdem esse indolis; namque simplicissimus pulvis, & forma hominis excellētissima, æque difficiles sunt perceptu.

Ex omnibus quæ gestat globus terraqueus, nihil magis assimilatur generi humano, quam genus *Simiarum*; earum facies, manus & pedes, brachia & crura, pectus & intestina, quoad maximam partem referunt similitudinem nostram. Mores illarum & ingeniosa inventa ineptiarum & jocorum, nec non imitatio aliorum (hoc est, proclivitas compendi se ad gustum seculi) effingunt illas nobis adeo similes, ut vix discrimin naturale inter hominem, & ejus imitatrixem, Simiam scilicet, obtineri possit.

Multis videri poterit, majorem esse differentiam

* Vide Mus. Adolph. Frider. præfat.

am Simiae & Hominis, quam diei & noctis; verumtamen hi, comparatione instituta inter summos Europae Heroes, & Hottentottos ad Caput bonae spei degentes, difficillime sibi persuadebunt, hos, eosdem habere natales, vel si virginem nobilis aulicam, maxime comtam & humanissimam, conferre vellent cum homine sylvestri & sibi relieto, vix augurari possent, hunc & illam ejusdem esse speciei. Rudes & qui educationem non sunt fortiti homines, magis, qua mores, distant ab illis, qui periti sunt actionum vitae, magis inquam, quam Pyrus sylvestris asperis suis aculeis & fructu austero differt ab arbore, quae in horo circumfossa laeta viret.

Sunt varii homines reperti & ingeniose descripti, qui omnem suam vitam in sylvis inter Brutæ egerunt, quorum heic loci, primus nominandus est:

I. Puer cum URSIS repertus, in magno Ducatu *Lithuanie*, anno reparatae salutis 1661.

II. Puer LUPOS inter correptus, anno 1544. in *Hassia*.

III. Puer inter BOVES inventus in *Bambergæ*, & a Camerario descriptus.

IV. Puer inter OVES in *Hibernia* ex occasione comprehensus, cuius dedit descriptionem Tulpius. Ut scientes prætereamus puerum *Hannoveranum* A:o 1719. puerosque montis *Pyrenæi* anno 1719. & puellam *Campanicam*, cæterosque ejusmodi in multitudine occurrentes, qui omnes in eo convenere:

1:0 Quod *loqui* prorsus non potuerint.

2:0 Quod omnes fuerint *hirsuti*.

3:0 Quod *manibus* & *pedibus* innixi cucurserint, arbores sine mora concenderint, ad occursum hominum attoniti facti fuerint, similiores bestiis & simiis, quam sibi ipsi; unde etjam factum est, ut discrimin naturale inter has & simiarum genus ponendum, ægre omnino obtineretur.

Non quidem me fugit, quam ingens sit differentia inter brutum & hominem, utrumque si parte morali consideraveris. Est homo illud animal, quod rerum omnium Auctor, DEUM loquor, anima rationali immortalis ornare haud est dignatus, nec displaceuit illi hunc cæteris adoptare animalibus, cui & vitam reservaret nobiliorem; & quæ sunt reliqua, pia & tranquilla mente consideranda; verum hæc omnia alium sibi vindicant locum; mihi incumbit, ne cum sutori ultra crepidam ascendentem, fines justos transeam, manere intra limites præfixos, id est, considerare hominem, respectu omnium partium corporis, more Naturæ consultorum; quo facto, vix unicam comprehendendo notam, qua homo discerni possit a simiis, nisi forte laniariis foliis dentibus distantibus discrepet a simiis, quod experientia quondam determinabit, cum neque facies, neque pedes, neque eretus incessus, neque aliud quidquam in externa structura hominis discrepet ab omnibus Simiarum speciebus.

Genus SIMIARUM communiter dividitur in tres.

tres phalanges, quarum primam constituunt, quæ caudas habent longas, & vocantur *Cercopitheci*, sive *Markattor*; secundam, quæ habent caudam brevem, & quasi mutilatam, & nuncupantur *Papiones*, sive *Babianer*; tertiam quæ nullam sortitæ sunt caudam, & proprie nominantur *Simiae*, sive *Aporas*.

Globus terraqueus videtur imprimis constare tribus diversis Elementis: nimirum Abysso aquarum, Continente terra & umbrosa Sylva. Quod silvas attinet, observari meretur, arbores intra Tropicos crescere frequentes & celsas, & qua cacumina, plantis repentibus ita complicatas esse, quæ easdem adeo arcte alligant, ut si centum detruncaveris arbores, omnes tamen erectæ stent, nec possint prosterni: namque vertices arborum, vinculo plantarum scandentium ita combinantur, ut nequeant separari; nominasse quoque juvat, ignem silvis his semper virentibus, nihil damni inferre posse; terra ideoque plerumque in Indiis tegitur quasi teatro suo, columnis imposito, ut homines possint sub umbra illius, quemadmodum in tepido balneo, ambulare & recumbere; aliter nec fieri posset, ut æstum hunc solis sustinerent & perferrent incolæ. In tertio hoc climate, simiae agunt populum & incolas, suamque ibidem habentes rem publicam propriam, fructus in agris suis decerpunt, & olera sua e teneris foliis, & delectant se singulæ, suo maxime genio indulgentes, nutriunt prolem suam inter cantantes Aves & semper confabulantes Psittacos, ma-

ximeque abhorrent a damno, nidis volucrum, inferendo.

SIMIARUM lepida nobisque simillima gens est: Facie nuda, Humeris mediantibus claviculis divaricatis, Mammis duabus in pectore, Manibus in digitos divisis & Ungibus rotundis armatis, Ciliis in utraque palpebra, immo Uvula, Utero, Musculis, licet non loquantur, loquelæ nobiscum conveniunt & a Brutis differunt; erexit sæpius etiam pedibus posterioribus tantum incedunt; manibus cibum legunt & ori admovent, vola concavata foralia hauriunt, & manibus deficiente aqua puteos fodiunt; omnivoræ sunt uti nos: Edunt enim non tantum eadem vegetabilia, uti olera, fructus horreos, nuces, glandes, flores facile omnes, radices & bulbos, panes, pultes, bellaria, juscula, laeticinia, sed et cochleas & ostreas quas lepide operiunt, insecta, ranas immo nonnumquam etiam carnes. Pediculos continuo venantur, sordes auferunt a corpore; Lusibus uti pueri continuo delectantur & saltibus præstantissimi funambulones, lepidi ubique gesticulatores, ad quos numquam satis ridetur. Natura sua sunt malevolæ, in malum omne proclives, furto admodum deditæ, libidinissimæ, etjam uterus gerentes; injuriarum omnium admodum memores, nec facile reconciliandæ; protervæ semper, sed simul timidi cacatores; stultiarum etjam omnium imitatores; difficile cicurandæ, amant & suos pullos tum mater, quam ipse pater, etjam post novum puerperium. Horrent a Crocodilis,

Ser-

Serpentibus, & quod mireris, a contagiosis febricitantibus.

Longior forem, si ritus & mores simiarum hic loci narrarem: pauca tantum loquar de nostris ut ita dicam propinquis, sive de illis ex genere simiarum, quæ æque ac nos rectæ itant, duobusque stant pedibus, immo quoad physiognomiam & plantam manuum nobis simillimæ sunt: quatuor harum esse nationes, ex historia earumdem mihi innotuit.

I. PYGMÆUS.

SIMIA ecaudata ferruginea, capite lacertisque pilis reversis.

Homo sylvestris. Edw. av. 5. p. 6. t. 213.

Pygmæus a nobis propinquitate longius recedit, cuius & pulcram imaginem Edwardus loco allegato nuperime dedit, depictam, secundum exemplum, quod Londini in Museo Sloaneo, conspi ciendum, fistitur; cuiusmodi etjam aliud specimen idem laudatus D. Edward nuper Nobiliss. D. Præ fidi dono obtulit. *Pygmæus* hic Londinensis ju venis adhuc fuit, tantum quinque spithamas longus. *Nates* illius non sunt calvæ vel potius, non sunt ita comparatæ, quemadmodum plurimarum simiarum; *Caput* illi rotundum, ut homini; *Frons* nuda, nec pilis obtecta; *Nasus* autem depresso, ad similitudinem Hottentotti; *Crines* e cervice, supra verticem, frontem versus, deflexi eunt, & ita inclinati pendent deorsum ante aures; *Pili* lacerto rum inter cubitum & palmam, reflexi versus cu bitum vergunt, ita ut utrinque occurrant in cubitu.

Totus

Totus *colore* est ferrugineus non dissimilis lateri
bene cocto; habitat in Africa; vivendi rationem,
& qui ejus sint mores, prorsus ignoramus. Ex
manibus illius posterioribus, sive pedibus, qui ad
manus nostras similitudine prope accedunt, appa-
ret, illum magis convenire cum Simiis, quam no-
biscum. *)

II. SATYRUS.

SIMIA ecaudata subtus nuda abdomine gibboſo.

Syst. nat. 10. p. 25. n. 1.

Satyrus est quoque incola Africæ, in Europam
ex *Angola* advectus: hujus duas habemus effigies:
unam anus ætate confecta, quæ viva delineata fuit
apud Principem Arausionensem, Fridericum Henrici
Filium; reperitur ea in *Tulp. obs. Lib. 3. Cap. 56.* de-
scripta & delineata. Alteram puellæ, elaboratam a
Scotin, Londini 1738, quo viva fuerat translata. Hæc
in eo distincta est ab illa, quod breves habeat capillos
in capite & dorso; verum facies, frons, aures, pectus,
abdomen, brachia & crura, sunt pene nuda, nec capil-
lis obducta. Præcipue cognoscitur magnitudine ab-
dominis, quod tumidum gerit, virginem licet a-
gat;

*) *Sibi persuasam vult Clarissimus D. Edwardus Py-
gmæum eandem esse speciem cum Satyro, quamvis pili in illo
testacei in hoc fusi; nos nihil quidquam de vivis non visis
pronunciamus; cum vero ♂ Tulpianus ♂ Scotinus in figuris
suis convenient, qui ipsi autoptæ fuere, dubium esse nequit
quin eandem speciem uterque proponat. Cum vero Pygmæus
Edwardi arctiori sit compage, ♂ undique hirsutus, eu-
dem distinctum dedimus, donec certiora innotescant.*

gat; estque adeo maxime in eo diversa à nostri generis puellis junceis. Et quia hæc habet manus loco pedum posteriorum, non vellem cum illa aliquam jungere propinquitatem. Æquat nos magnitudine, vel quinque est pedes longa, musculosa & torosa, ita ut cum viro valido luctari audeat, vimque inferre generi nostro non dubitet, adeo ut nullæ feminæ sustineant solæ intrare silvas, quas incolunt hi Simii mares. Sunt insuper elegantes & mundi, inceduntque erecti. Prehendebat hæc Tulpiana vas potorium una manu, sustulit operculum altera, dimidiumque eduxit, os suum palma abstergens; cum cubitum iret, caput pulvinari superinjecit, stragulo humeros cooperuit suos, & ad modum honestæ matronæ, tuta quievit. Præterea nihil mihi cum illa negotii.

III. LUCIFER.

HOMO caudatus vulgo dictus. Syst. nat. 10. p. 24.

Hic majorem sibi nobiscum vindicat affinitatem quem his adjiciam ob structuram conformem, quamvis caudatus sit. Degit hic in quibusdam Indiæ Orientalis insulis, prioribus ad Polum Antarcticum: etjam præbet se hic conspiciendum in Nicobar insula, inter Bengalam & Sumatram, item in Javæ, qui quidem non adhuc passus est, se ab ullo Piætore rite exprimi. Effigiem illius, eamque unicam reperi apud Aldrovandum. Digit. 249. quam sibi ex India Orientali comparavit, quæ caudam longitudine pedum fert, cum tamen plerique auctorum abbreviatam esse tradunt.

Varii peregre proficiscentium hujus mentionem fecerunt *), interque hos Nicolaus Matthæi filius *Köping*, Svecus, qui in itinere suo, hunc coram intuitus est, marem feminamque haud male descriptis, dum hanc in sententiam loquitur: Erat gens horrida & tetra, flava, intermixta nigredine, ac quemadmodum feles, caudis instructa, quæ tamen nuda erat, atque huc & illuc discurrebat, ad imitationem felium. Cum ad littus appulissimus, statim nos adierunt in navibus, afferentes secum quosdam Psittacos erithacos, quos permutare voluerunt, rebus quibuslibet ferreis; cum vero animadvertisserint neminem secum mercari velle, statim colla Psittacis suis frangebant, & crudos coram devorabant. Tandem tanta multitudine concenderunt naves, ut malum ab illis metueremus, unde bombardas solvimus, quibus solutis, plerique fugiebant; manentes autem, propius ad nos, in navi sine metu accesserunt, omnesque perquisire navigii angulos & loca in illa abdita omnia, auferentes terramenta quævis visui illorum obviam facta. Contigit autem, ut Gubernator navis, qua veeti fuimus, continentem quinque comitibus sibi adjunctis, scapha peteret, visurus, si quid quod

efui

*) Bon. Jav. 85. de hac. *In insula Borneo, in regno Succodana dicto, homines montani caudati in interioribus regni inveniuntur, quos multi e nostris in aula Regis Succodanae viderunt.* Cauda autem illis est prominentia quædam ossis coccygos, ad quatuor vel amplius digitos excrescens, eodem modo quo truncata cauda canum, sed depilis.

esui esset, hic locorum inveniretur; cum autem per integrum noctem absfuisserent, moræ impatiens; Dominus navis cymbam majorem, hominibus refertam duobusque tormentis bellicis instructam, summo mane ad continentem misit. Cumque in terram transilissimus, & tormenta adducta, semel iterumque explosissimus, homines hi caudati silvam & fugam petebant; ac tum demum tristes compierimus scapham in partes minutissimas dissectam, & clavos ablatos. Deinde animadvertebamus fumum in monte, quem statim scandebamus, nihil aliud invenientes, quam comitum nostrorum ossa & reliquias, quorum carnem hi pagani, sine dubio devorarunt, illis misere maceratis; redibamus igitur attoniti & stupefacti, narraturi visa remanentibus in navi. Utinam aliquis autoptes peregrinator, qui tres orbis incolas adit, in se susciperet horum historiam naturalem rite & dilucide proponendam, quo adeo singulare animal rite innotesceret Naturæ consultis *)!

TROGLODYTA.

HOMO nocturnus. Syst. Nat. 10. p. 24.

Filihi tenebrarum, qui diem loco noctis, & hanc in locum diei substituunt, videntur mihi, proxime ad nos, affinitate accedere. Hi, inde usque a temporibus Plinii, qua nomen innotuere,

B 2

at.

*) Maupertuis Oeuvr. 2. p. 351. dicit bos genus quasi medium inter Homines & Simias constituere, seque libentius eum bis transfigere velle horulam, quam cum elegantissimis Europæ ingeniis.

atque in *Aethiopia*, *Java* & *Amboina*, in Ophir
monte *Malaccæ*, insulisque quæ *Ternateæ* nuncu-
pantur, nec non aliis in locis, plerumque in ca-
vernæ subterraneis, degunt *). *Bontius* in Java in-
sula depinxit illos, secundum exemplar vivum **).
Puer novenni hi multo majores non sunt; qua
colorem candidi, nec a sole tosti, quia nocturni
semper oberrant; incedunt erecto corpore,
æque ac nos; pili capitis eorum breves, & natura
cincinnati, non aliter ac *Mauri*, simul autem sunt
albi; oculi illorum orbiculati: pupilla & iride au-
rea, quod peculiarem in illis meretur observatio-
nem. Palpebræ antice incumbunt, unde visus il-
lorum obliquus & lateralis; sub palpebra autem,
superiori, habent membranam nictitantem, quem-
admodum ursi, noctuæ & alia animalia noctu va-
gari solita, quæ proprietas illos, ut præcipua no-
ta, a nobis distinguit. *D. D. Praeses* conveniebat
quendam in Belgio, revertentem ex India Orien-
tali, qui asserebat, se illos coram intuitum fuisse
in

*) Plin. lib. 5. c. 8. *Troglodytæ specus excavant; bæ*
illis domus; vietus serpentium carnes; stridorque non vox,
adeoque sermonis commercio carent.

**) *Bontius* jav. 84. de hac specie: *vidi ego aliquot*
utriusque jexus erecte incedentes, imprimis feminam (cujus
figuram exhibet) tanta verecundia ab ignotis sibi hominibus
occultentem, tum quoque faciem manibus tegentem, ubertim-
que lacrymantem, gemitus crientem & cæteros humanos a-
etius exprimentem, ut nihil ei humani deesse diceres præter
loquelam. Loqui autem eos easque posse, sed non velle, ne ad
labores cogerentur, ajunt Javani.

in Java, cuius descriptio, quam dedit illorum, concordabat ex esse cum itinerariis; præterea dixit hic, plicam cutis ex inferiore parte ventris pendente operuisse pudenda feminæ: qua in re dissimiles non sunt ab Hottentottis, qui caffariam incolunt; idem retulit, illos habuisse dentes omnes approximatos, neque laniarios distinctos & spatioseparatos a reliquis dentibus. Nuperrime autem *D. Brad* ex itinere suo septenni Indico redux, certissime asseverabat, harum brachia longiora esse quam in nostra gente, & manuum digiti demissi ipsa genua attingere, dum in nobis tantum dimidium femoris tangunt. Hilatitant in speluncis suis interdiu, & pene cæcutiunt, antequam ab hominibus correpti, pedetentim adfvescant luci; noctu distincte vident, quod indicio est, pupillam illorum magis esse dilatatam nostra; in tenebris res suas curant, furantur ab hominibus quidquid occurrat, & ad rem suam familiarem augendam pertinere, ducant; quare incolæ in his oris absque misericordia illos tanquam fures perniciosissimos trucidant, enecantque, ubicumque illis obviam facti fuerint. Propria utuntur lingua, quam loquuntur sibilando, adeo difficii, ut vix ab ullo edisci possit, nisi forte longiori cum illis confuetudine; nostra autem linguæ addiscendæ adeo sunt, ex narratione quorundam inepti, ut nihil eloqui possint, præter particulam affirmativam & negativam. Quidam auctorum contendunt, illos confessos fuisse, se olim imperitasse populis in hoc mundo, deinde autem ab hominibus

bus fuisse ejecos; nunc spe viventes , illud tempus affore, quo imperium amissum recuperabunt; sed ad calendas græcas *). Multis in locis Indiæ orientalis, in ædibus excepti usurpati sunt, q̄ emadmodum pueri, ad mandata leviora rei domesticæ curanda, e. g. ad portandam aquam, quadrasque inter epulandum afferendas & afferendas. Laudatus Kóping intuitus est talem in Amboina, a Gubernatore navis acquisitum, qui primo tempore, postquam captus fuit, cibum coctum edere nequit, nec lucem adspicere; cumque itaret, pedes alte tollebat, non antea in suis sylvis pavimento adsvetus plano in quo ambularet. Inclytus ille Rumphius narratur habuisse talem in domo sua, per tempus octo annorum; sed deploramus opus illius de animalibus deperditum esse, quod sine dubio adeo præstans & excellens fuisset, ac idipsum est, quod edidit de Conchiliis & Plantis Indiæ Orientalis.

Quoniam itaque nemo sine delestatione & admiratione singulari spectare potest diverorum Simium vivendi genus prorsus ridiculum & curiosum, necesse est, neque hos, quos jam memoravimus

*) Dalin in oratione Acad. R. Holm. de hac: *In media Africa genus hominum invenitur niveum, cui Pili albi contortuplicati, Aures longæ, Palpebræ incumbentes, Oculi orbiculati iride rosea pupillaque membrana flava pellucida; visus lateralis in utrumque latus simul; melior tamen in tenebris quam in luce; vitæ curriculum 25 annorum. Corpus exiguum. Hos loqui & cogitare, terramque sui caussa creatam, cuius dominium se tandem obtenturos sperare.*

vimus, quique hominibus sunt simillimi, sine stu-
 pore mentis, ab ullo naturæ perito, considerari pos-
 se. Quamobrem mirari convenit, unde factum sit,
 ut sciendi cupidus homo, reliquerit hos, hucusque
 suis in tenebris, nec voluerit, vel tantilla ratione
 cognoscere Troglodytas, proximæ secum propin-
 quitatis. Multi mortalium, suos terunt dies in stu-
 dio gulæ atque ventris, & anxie id unice cogitant,
 quomodo viætum & opes, utcumque corra-
 fas, suis cumulent; nec aliter se res habet in
 maxima parte illorum, qui navibus Indias petunt;
 quibus solis hoc contingit, ut invisan genus Troglo-
 dytarum: hi lucro tantum inhiantes, infra suum ne-
 gotium reputantes, rerum naturalium scrutari na-
 turam & rimari œconomiam. Sed quid quæsto es-
 set convenientius objectum delectationis, vel
 Monarchæ cuilibet, quam domi suæ, coram in-
 tueri animalia, quæ numquam satis demirari possu-
 mus. Quam facile fieri non posset, ut Rex, ho-
 rum potiretur, ad cuius nutum certando integra
 flectitur gens? Neque parum conduceret Phi-
 losopho, si aliquot dies cum aliquo horum ver-
 sareetur, exploraturus, quantum vis ingenii huma-
 ni, horum superet, unde pateret, discriminem Bru-
 tum & rationalem inter; ut præteream, lucem,
 scientiæ naturalis peritis, ex perfecta illorum de-
 scriptione, orituram. Quod me attinet, dubius
 adhuc sum, qua nota characteristica Troglodytæ
 distinguantur ab Homine, secundum principia hi-
 storiæ naturalis; adeo enim propinquæ sunt hæc in-
 ter

ter Hominis & Simiæ genera quoad structuram corporis nudiusculi: faciem, aures, os, dentes, manus, mammae; nec non cibos, imitationes, gesticulationes, imprimis in iis speciebus quæ erèctæ incedunt & proprie *Anthropomorpha* dicuntur, ut notæ difficillimæ reperiantur pro genere sufficiëntes. Novi equidem, quod Simiæ cauda instruantur, etjam quæ ecaudatæ dicuntur uti Sylvanus, cui cauda brevissima adest, quamvis non manifesta; at vero neque cauda ullibi characterem generis præstabit. Quidquid sit, nullum genus Brutorum adeo prope Homini accedit, quam Simiæ & imprimis *Anthropomorpha*, in quibus non modo miramur simillimam nobis staturam, sed & mores simillimos, dum hæ natos plus quam paterno fovent affectu, eos ulnis gerunt, in sinu fovent, curant, defendunt, non modo Mater, sed & ipse Pater.

Simia quam similis turpissima bestia nobis.
ENNUS.



ANTHROPOMORPHA

p. 76.



1. *TEOGLYPTA* Bonita

2. *LUCIFER* Aldrovandi

3. *SATYRUS* Tulpi

4. *PYGMATUS* Edwardsi

A. A. S.

Dr Linnaeus ash.
A Hymenoptera 1760